

# UMS juara Debat Diraja kategori Bahasa Melayu Muda

DE 15.5.2014 3

Larissa Lumandan

KOTA KINABALU: Pasukan Universiti Malaysia Sabah (UMS) telah muncul sebagai juara dalam kategori Bahasa Malaysia Muda semasa pertandingan Debat Diraja ke-16 yang diadakan di Dewan Resital di sini, Rabu.

Pasukan pendebat itu menerima piala serta hadiah tunai bernilai RM4,000.

Pelajar UMS Mohd Faizal Abdullah yang turut dinamakan sebagai pendebat terbaik dalam kategori sama menerima hadiah tunai bernilai RM1,000 dan piala.

Tempat kedua bagaimanapun dimenangi oleh pasukan Universiti Islam Antarabangsa Malaysia (UIAM) yang menerima piala dan hadiah tunai bernilai RM2,000.

Dalam pada itu, Kategori Utama Debat Bahasa Malaysia dimenangi oleh pasukan Universiti Pertahanan Nasional Malaysia (UPNM) yang menerima hadiah tunai bernilai RM5,000 dan piala diikuti oleh pasukan Universiti Tun Hussein Onn Malaysia (UTHM) yang menerima RM3,000 dan piala.

Pendebat terbaik dimenangi oleh pelajar UPNM Wan Azizul Wan Zulkifli yang membawa pulang sebuah piala dan hadiah tunai bernilai RM1,000.

Pasukan Universiti Teknologi Mara (UiTM) pula muncul juara dalam Kategori Bahasa Inggeris Muda, membawa pulang sebuah piala dan wang tunai bernilai RM4,000 diikuti UIAM yang juga memenangi piala dan wang tunai bernilai RM2,000.

Pendebat terbaik dimenangi oleh Jasmine Oh dari UiTM yang membawa pulang piala dan hadiah tunai bernilai RM1,000.

Dalam Kategori Utama Debat Bahasa Inggeris bagaimanapun dimenangi oleh UIAM yang menerima hadiah tunai RM5,000 dan sebuah piala diikuti oleh UiTM yang memenangi piala dan tunai bernilai RM3,000.

Pendebat terbaik dimenangi oleh Syed Sadiq dari UIAM yang membawa pulang sebuah piala serta hadiah tunai bernilai RM1,000.

Sementara itu Naib Canselor UMS Professor Datuk Dr Mohd Harun Abdullah menasihatkan pelajar-pelajar yang mempun-



TUN Juhar menyampaikan hadiah kepada pasukan debat UMS.

yai kemahiran berdebat yang baik untuk menggunakan bakat itu dengan bijak.

“Pelajar yang tidak harus menggunakan kemahiran mereka untuk mendebatkan isu tidak berkaitan kerana ini bukan hanya menjejaskan komuniti tetapi juga kemakmuran dan keharmonian negara,” katanya sambil menambah pelajar yang mempunyai intelektual yang tinggi mempunyai impak yang baik kepada kejayaan dan pembangunan masa depan Malaysia.

“Rakyat Malaysia terutamanya mereka yang mempunyai latar belakang berpendidikan diberi tanggungjawab untuk memastikan negara ini aman dan harmoni,” katanya sambil menambah ini lambat laun akan membantu mewujudkan generasi yang berjaya.

Pertandingan itu, menurut beliau adalah dianjurkan oleh Jabatan Hal Ehwal Pelajar

UMS dan Majlis Debat Universiti Malaysia (MADUM) adalah untuk membolehkan pesertanya menerokai bakat di samping dapat berkongsi idea mereka.

Menurut Harun, ini akan membantu melulakan kreativiti pelajar, meningkatkan kredibiliti dan kemahiran pengucapan awam.

Beliau juga berkata peserta mesti peka terhadap isu semasa dan fakta untuk menyokong hujah mereka.

Pertandingan itu diadakan bermula 9 hingga 14 Mei melibatkan lebih daripada 400 pelajar dari 22 universiti awam dan swasta di seluruh Malaysia.

Pertandingan itu yang dihoskan oleh UMS untuk kali kedua, turut dihadiri Yang Dipertua Negeri Tun Haji Juhar Haji Mahiruddin bersama dengan isterinya Toh Puan Hajah Norlidah Datuk R.M. Jasni.